

# פרק צט

- {א} יהוה מלך ירגזו עמים ישב כרובים תנוט הארץ:
- {ב} יהוה בציון גדול ורם הוא על כל העמים:
- {ג} יודו שמך גדול ונורא קדוש הוא:
- {ד} ועז מלך משפט אהב אתה כוננת מישרים משפט וצדקה ביעקב אתה עשית:
- {ה} רוממו יהוה אלהינו והשתחוו להם רגליו קדוש הוא:
- {ו} משה ואהרן בכהניו ושמואל בקראי שמו קראים אל יהוה והוא יענם:
- {ז} בעמוד ענן ידבר אליהם שמרו עדתיו והק נתן למו:
- {ח} יהוה אלהינו אתה עניתם אל נשא היית להם ונקם על עלילותם:
- {ט} רוממו יהוה אלהינו והשתחוו להר קדשו כי קדוש יהוה אלהינו: